

Հաստատված է

ՀՀ ԳԱԱ ԳԿՄԿ գիտական խորհրդի

«07» նոյեմբերի 2022 թ. թիվ 173 նիստում

ՀՀ ԳԱԱ ԳԿՄԿ տնօրեն

Ա. Սարգսյան



## Կ Ա Ն Ո Ն Ա Դ Ր Ո Ւ Թ Յ Ո Ւ Ն

ՀՀ ԳԱԱ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆԻ

ՀՈԳԵԲԱՆՈՒԹՅԱՆ ԱՄԲԻՈՆԻՆ ԿԻՑ ՀՈԳԵԲԱՆԱԿԱՆ ԴԻՏԱՐԱՆԻ

(Նոր խմբագրությամբ)

## 1. ԸՆԴՀԱՆՈՒՐ ԴՐՈՒՅԹՆԵՐ

1.1. ՀՀ ԳԱԱ գիտակրթական միջազգային կենտրոնի հոգեբանության ամբիոնին կից հոգեբանական դիտարանը (այսուհետև՝ Դիտարան) ՀՀ ԳԱԱ գիտակրթական միջազգային կենտրոնի (այսուհետև՝ ԳԿՄԿ) կառուցվածքային ստորաբաժանում է:

1.2. Դիտարանի լրիվ անվանումն է՝ ՀՀ ԳԱԱ գիտակրթական միջազգային կենտրոնի հոգեբանության ամբիոնին կից հոգեբանական դիտարան:

1.3. Դիտարանի կրճատ անվանումն է՝ ՀՀ Հոգեբանական դիտարան:

Դիտարանի ռուսերեն անվանումն է՝ Психологическая обсерватория при кафедре психологии Международного научно-образовательного центра академии наук Республики Армения.

Դիտարանի անգլերեն անվանումն է՝ *Psychological Observatory Adjunct to The International Scientific-Educational Center of the National Academy of Sciences of Armenia.*

Դիտարանի հասցեն է՝ Մ. Բաղրամյան 24դ, 0019 Երևան:

1.4 Դիտարանն իր գործունեության ընթացքում ղեկավարվում է ՀՀ օրենսդրությամբ, ԳԿՄԿ կանոնադրությամբ, ԳԿՄԿ կառավարման մարմինների որոշումներով, ԳԿՄԿ ներքին կարգապահական կանոններով, սույն կանոնադրությամբ և այլ իրավական ակտերով:

1.5. Դիտարանի գործունեության վերաբերյալ տեղեկատվությունը ներկայացված է ՀՀ ԳԱԱ ԳԿՄԿ պաշտոնական կայքէջում՝ հետևյալ հասցեով՝ <http://www.isec.am/>:

1.6. Դիտարանը կարող է ունենալ ձևաթուղթ:

## 2. Դիտարանի նպատակը և խնդիրները

Դիտարանի գործունեության նպատակն է՝

2.1. նպաստել հոգեբանության գիտակարգի զարգացմանը, գիտահետազոտական ծրագրերի իրականացմանը, հանրապետական և միջազգային գիտական ծրագրերում մասնագիտական ներուժի արդյունավետ օգտագործմանը,

2.2. նպաստել հոգեբանության գիտակարգի արդի հիմնախնդիրների վերհանմանն ու լուսաբանմանը,

2.3 աջակցել վարժանքների և պրակտիկայի միջոցով հոգեբանություն մասնագիտացմամբ ուսանողների, ասպիրանտների ու գիտությամբ և գործնական հոգեբանությամբ զբաղվող մասնագետների կրթության և մասնագիտական որակավորումների բարձրացմանը:

### **3. Դիտարանի գործունեության հիմնական ուղղությունները**

3.1 Մասնակցություն դրամաշնորհային ծրագրերին, գիտահետազոտական աշխատանքների իրականացում, արդյունքների վերլուծություն և հանրայնացում,

3.2 պրոֆեսորադասախոսական անձնակազմի և հոգեկան առողջության ոլորտի մասնագետների մասնագիտական կրթության, հմտությունների ու կարողությունների զարգացում,

3.3 մասնագիտական սուպերվիզիայի իրականացում,

3.4 ՀՀ ԳԱԱ ԳԿՄԿ և այլ բուհերի ու գիտակրթական կենտրոնների հոգեբանության բաժինների մագիստրատուրայի ուսանողների մասնագիտական պրակտիկայի իրականացման աջակցում:

### **4. Դիտարանի գործառույթերը**

4.1 Հիմնարար, տեսական, կիրառական, փորձարարական գիտական և գիտամեթոդական հետազոտությունների իրականացում,

4.2 գիտահետազոտական գործունեության ընթացքում համապատասխան փաստաթղթաշրջանառություն (գիտափորձերի մասնակիցների, ինչպես նաև հաստատությունների դիտորդական խորհուրդների հետ համաձայնագրերի կնքում և այլն) կազմակերպում և իրականացում,

- 4.3 մասնագիտական և գիտահետազոտական էթիկայի նորմերի պահպանում և վերահսկողության իրականացում,
- 4.4 հետազոտությունների մասնակիցների մոնիթորինգի ընթացքում անվտանգության կանոնների պահպանում և վերահսկողության իրականացում,
- 4.5 հոգեբանական միջազգային գիտական և հասարակական կառույցների հետ փոխհարաբերությունների հաստատում, ամրապնդում և զարգացում,
- 4.6 գիտաժողովների, սեմինարների, քննարկումների կազմակերպում,
- 4.7 հոգեբանական գիտական ամսագրերի, ժողովածուների ստեղծում, գրախոսման, տպագրական աշխատանքների իրականացում,
- 4.8 հոգեբանական խորհրդատվության բնագավառում հավատարմագրման համակարգի մշակում:

## **5. Դիտարանի կառավարումը և կառուցվածքը**

- 5.1. Դիտարանի աշխատանքների վերահսկումը իրականացնում է ԳԿՄԿ հոգեբանության ամբիոնի վարիչը, որի *իրավունքներն են՝*
- 5.1.1. վերահսկել Դիտարանի ընթացիկ գործունեությունը,
- 5.1.2. ներկայացնել առաջարկություններ ԳԿՄԿ տնօրենին՝ Դիտարանի աշխատողներին խրախուսելու կամ կարգապահական պատասխանատվության ենթարկելու վերաբերյալ,
- 5.1.3 ներկայացնել առաջարկություններ Դիտարանի գործունեությունն առավել արդյունավետ կազմակերպելու նպատակով,
- 5.1.4. Դիտարանի համակարգողի բացակայության ժամանակ տնօրենին առաջարկություն ներկայացնել համակարգողի ժամանակավոր պաշտոնակատար նշանակելու վերաբերյալ:

5.2 Դիտարանի ընթացիկ գործունեությունը ղեկավարում է Դիտարանի համակարգողը, ում աշխատանքի ընդունում և աշխատանքից ազատում է ԳԿՄԿ տնօրենը՝ ամբիոնի վարիչի առաջարկությամբ:

*5.3. Դիտարանի համակարգողը.*

5.3.1 հետևում է Դիտարանի մասնագիտական և ֆինանսական գործունեության կատարմանը,

5.3.2 կազմակերպում և ղեկավարում է Դիտարանի ընթացիկ ախատանքները,

5.3.3. պատշաճ կարգով կազմակերպում է Դիտարանում տարվող գործավարությունը:

## **6. Դիտարանի գործունեության կազմակերպումը**

6.1. Դիտարանի հաստիքացուցակը սահմանում է ԳԿՄԿ տնօրենը:

6.2. Դիտարանի կառուցվածքի կարող են ներգրավվել խորհրդատվական, գիտահետազոտական, վերապատրաստողների մասնագիտական խմբեր:

6.2.1. Հոգեբանական խորհրդատվության խումբը իրականացնում է ԳԿՄԿ ուսանողների, աշխատողների, կազմակերպությունների և բնակչության հետ անհատական և խմբային խորհրդատվական աշխատանքներ:

6.2.2. Գիտահետազոտական խումբը իրականացնում է հոգեբանական հետազոտական աշխատանքներ, մասնագիտական և գիտահետազոտական էթիկայի նորմերի պահպանություն և վերահսկողություն, հետազոտությունների մասնակիցների մոնիթորինգի ընթացքում անվտանգության կանոնների պահպանություն և վերահսկողություն:

6.2.3. Վերապատրաստողների խումբը իրականացնում է մասնագիտական որակավորումների բարձրացման ու վերապատրաստումների դասընթացներ և մասնագիտական թրեյնինգներ:

## **7. Երափակիչ դրույթներ**

7.1 Դիտարանը կարող է վերակազմակերպվել կամ լուծարվել ԳԿՄԿ տնօրենի ներկայացմամբ՝ ԳԿՄԿ գիտական խորհրդի որոշմամբ:

7.2 Սույն կանոնադրությունը կարող է լրացվել կամ փոփոխվել ԳԿՄԿ տնօրենի ներկայացմամբ՝ ԳԿՄԿ գիտական խորհրդի որոշմամբ: